

آبونه اولمق ایستینلردا اثره عدلیه ده
اداره مخصوصه سنه مراجعت
ایملیدر
اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره اشبوش

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رقی
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توقیحات

توقاد سنجانی بدایت محکمه سی مدعی عمومی
معاونی فتولو حسن فحی افندی به رتبه رابعه توجیه
بیورلشدر.

تبلیغات

اراضی به متعلق بر دعوانک اثنای تدقیقنده محکمه.
جه کوریلان لزومه مبنی بوباده کی معلومات قیودیه نک
اشعاری حقنده دائره عانده سنه یازیله جق تذکره نک
تمقا رسمته تابع اولوب اولمدینی وحیدیه حجاز تیمور
یولی منفعتنه مخصوص علم و خبرلرک موقع استعماله
وضعندن مقدم تنظیم اولنوب اثبات مدعا ضمننده
بوکره محکمه به ابراز اولنسان اورا قک عرضحال
مربوطاتندن عدلیه بونلره مذکور علم و خبرلرک ربط
والصاقی لازم کلوب کلیه جکی خصوصانک استفساری
متضمن اشقودره ولایتی محکمه استینافیه سی مدعی
عمومیلکندن وارد اولان شقه اوزرینه انجمن عدلیه دن
تنظیم واعطا قلنان مذکرده بر دعوا به متعلق دوا
رسمیه ده اوراق ویا قیود بولنور وانلره مراجعتنه
لزوم کوریلور ایسه بولنری استحصال و ابراز ایتک
اوزره صاحب دعوا به ویا خود خصمنه مناسب مهل
ویریله جکی و طرفینک استحصالنه مقتدر اوله میه جنی
قیود واورا قک دخی محکمه جانبدن باتذکره جلب
اولنه جنی اصول محاکمه حقوقیه قانوننک الی
بشنجی ماده سی احکامندن اولمسلیله کرک طرفیندن
طلب وقوع بولسون و کرک محکمه جه طوغربدن
طوغری به مطالعه سنه لزوم کورنمش اولسون بوکی
اوراق قیودک بالاستحصال ابرازی اولا علاقه دارانه
تکلیف اولنق ودائره سنه مراجعتنه اله مدقیری
صورته خرج تعریفنک قرقنجی ماده سی منطوقنجه
یکرمی بش غروشدر عبارت اولان خرجنک اخذیه
ایجاب ایدن تذکره سی یازلمق اقتضا ایده جکی جهته

اشبو تذکره نک خرجه تابع اولدینی کی اشخاصه
عاند خصوصاته متدار اولمسندن ناشی بوکا رسم تمقا
یولی دخی وضع والصاق اولنسی طبعی بولنمش و ذکر
اولنان حمیدیه حجاز تیمور یولی منفعتنه مخصوص علم
و خبرلرک صورت استعمالی ایضاحاً نظارت جلیله
عدلیه دن ۱۱ مارت سنه ۳۱۹ تاریخلی تسطیر قلنان
تحریرات عمومیه مندرجاتیده بو جهته متعلق اولان
استفسار محلی به جواب کافی کورنمش اولدینندن
احوال ممانله ده تبلیغات عمومیه و صور محرره به
توفیق معامله لزومنک جواباً مذکور مدعی عمومیلکه
تبلیغی افاده قلمشدر.

محاکمات و مقررات

در سعادت استیناف مدعی عمومیلکندن:
رسومات امانت جلیله سی هیئت تفتیشیه
قلمنده مستخدم ایکن قبریسه فرار ایله ارباب
فساده التحاق ایلدیک ادعاسیله مظنون
علیه اولان حقیقنک اصول محاکمات جزاییه
قانوننک مواد مخصوصه سی احکامنه توفیقاً
جنایت محکمه سنده محاکمه سی اجرا قلمق اوزره
قانون جزانک الی سکنزنجی ماده سی موجبنجه
جنایتله اتهامنه قرار ویرلدیکندن متهم مرقومک
هر زرده کوریلور سه طویلوب محکمه مذکوره
توقیفخانه سنه تسلیمی لازم کله جکی بالجمله ضابطه
عدلیه مأمورلرینک معلومی اولمق اوزره اشبو
اخذ و گرفت مذکره سی در سعادت هیئت
اتهامیه سنندن بالتظیم اعطا قلندی.

اوو ولد یاسفک ضرباً قتلندن دولای جنایتله
اتهام اولنان پروس ولد یاسفک بش سنه مدته
کورکه قونلشنه دائر دیاربکر ولایتی استیناف محکمه سی
جزا دائره سنندن اعطا قلنان ۶۰۱ نومرولی اعلام
حاجی صالح اوغلی محمدک کیفیت قتلندن دولای
جنایتله اتهام اولنان محمد بن حافظ عمرک حین ایقاع
جرمده اون درت یاشنده بولنسنندن ناشی قرقنجی
ماده قانونیه به توفیقاً بش سنه مدته کورکه قونلشنه
دائر آیدین سنجانی بدایت محکمه سی جزا دائره سنندن
ویریلان ۱۶۴ نومرولی اعلام

نعوم ولد یاسفی قتل ایلدیک ادعا اولنسنندن
دولای جنایتله اتهام اولنان ماردینلی احمد بن ابراهیمک
اون بش سنه مدته کورکه قونلشنه دائر ماردین سنجانی
بدایت محکمه سی جزا دائره سنندن اعطا قلنان اعلام

امام اوغلی حاجی عثمانک خانه و آخورینسک
دیوالرینی دله رک اشیا سیله ایکی رأس اینکینی سرقت
ایلدیکری ادعا اولنسنندن دولای جنایتله اتهام اولنان
عمر ویوسف عبداللهک اوچر سنه مدتلره کورکه
قونلرینه دائر جوروم سنجانی بدایت محکمه سی جزا
دائره سنندن اعطا قلنان ۱۴ نومرولی اعلام

اسکیشهرلی همت بن ولینک کیفیت قتلندن دولای
جنایتله اتهام اولنان حسین بن حسنک اون بش سنه
مدته کورکه قونلشنه دائر کوتاهی سنجانی بدایت
محکمه سی جزا دائره سنندن اعطا قلنان ۴۱ نومرولی
اعلام

قاریوطلی فیلی ضرب ایدرک وفاتنه سببیت
ویردیکری ادعا اولنسنندن دولای جنایتله اتهام اولنان
عرب محمد ایله حاجی افندی اوغلی احمدک بشر سنه مدتلره
کورکه قونلرینه دائر منتشا سنجانی بدایت محکمه سی
جزا دائره سنندن ویریلان ۳ نومرولی اعلام

مهتدی محمد خلوصی بن عبداللهک مسلحاً
اوکنه چیه رقی کسندوسنی ضرب و نقودینی غصب
ایلدیکری ادعا اولنسنندن دولای جنایتله اتهام اولنان
چراق اوغلی حسنک اوچ سنه مدته کورکه قونلشنه

دائر قره می سنجائی بدایت محکمه سی جزا دائره سندن اعطا قلنان ۱۵۴ نومرولی اعلام

کلتش اوغلی بکسرک خانه سی دیواری دله رک اشیا سی سرقت ایلدیکی ادما اولمسندن دولای جنایتله اتهام اولنان کور یوسف اوغلی عبد الوهابک اوج سنه مدته کورکه قونلسنه دائر ملاطیه سنجائی بدایت محکمه سی جزا دائره سندن اعطا قلنان ۲۶۹ نومرولی اعلام

نابلس امین افندی صلاحک خانه سی قوسنی اناختارایله آچهرق بالدخول اشیا سی سرقت ایلدیکی ادما اولمسندن دولای جنایتله اتهام اولنان محمد بن عبد اللهک اوج سنه مدته کورکه قونلسنه دائر نابلس سنجائی بدایت محکمه سی جزا دائره سندن ایکنجی دفعه اوله رق اعطا قلنان ۳۰۵ نومرولی اعلام محکمه تمیز جزا دائره سنجه تصدیق قلمشدر .

درسعادت جنایت محکمه سندن اعطا قلنان

اعلامدر :

اوجیوز بکرمی بر سنه سی کانون نایسنک بکرمی دردنجی کیجه سی ساعت ایکی راده لرده ککبوزه قضاسنک داریجه ناجیه سنده کائن قهوه خانه ده بالمنازعه شرفی جرح و قتل ایلدیکی ادما سیله مظنون علیه اولان ویکرمی ایکی یاشنده داریجه لی اولوب محل مذ کورده اقامتله ریجبرلک المیان حسین بن سلیمانک جنایتله اتهام ایلدیکنه دائر هیئت اتهامیه دن تنظیم قلنان مضبطه ایله استیفاف مدعی عمومیلکنک ۳۰ مارت سنه ۳۴۲ تاریخی و ۹ نومرولی اتهامیه سی اوراق متفرعه سیله معاً محکمه جنایت تودیع قلمغه بالمطالعه تفصیلاتی اولباده طویلان ضبط نامه دن مستبان اوله جفی وجهله اصول محاکمات جزایه قانونک باب نایسنک فصل رابنده محرر اولان معاملات ابتدایه بعد الا یفا اوجیوز بکرمی ایکی سنه سی نایسنک بکرمی ایکنجی کونی مته مرقوم علی الاصول توقیفخا نهدن کتوردیلرک مدافعه وکیل آرتهن زیلیجان افندی ومدعی شخصی عزیز اغا ایله وکیل مصدق ولادیمیر افندی واستیفاف مدعی عمومیلکی معاونلرندن عزتو بهجت بک حاضر اولدقلری حالد محاکمه صالونه چقیله رق محاکمه علنیه مباشرت مته ایله وکیله اختارات لازمه قانونیه بعد الا یفا هیئت اتهامیه مضبطه سی ایله اتهامیه ضبط کائی صدق افندی جایتندن قرائت اولندی .

مذ کور مضبطه ده مظنون علیه حسینک بالمنازعه شرفی جرح و قتل ایش اولمسندن طولانی

اتهامیه اوراق تحقیقه ده محرر اقراریه انضمام ایدن اخبارات ومعاینه راپوری مندرجاتی کافی کورلمش وحرکتی قانون جزانک یوز یتش دردنجی ماده سی حکمی مستلزم افعال جنایتیه دن بولنش اولدیغندن جنایتله اتهامیه و دیگر مظنون علیه مصطفانک اشبو قتل فعلنده مرقوم حسینه معاوتنده بولندیغه دائر اوراق تحقیقه ده مدار اتهام برکونه دلیل واماره ده دسترس اوله مدیغندن مستنطق قرارنامه سنده مرقومه حالد قسمنک قسبی ایله منع محاکمه سته قرارورلدیکی محرر و اتهامیه ده مرقوم حسینک من غیر تعدد قتل جنایتک فاعلی بولنغله مته اولدیغنی مسطر در .

اتهامیه نک خلاصه سی جانب ریاستدن مته مرقومه تفهیم وایا و معاون موسی ایله جایتندن دخی تشریح دعوی اولمسنی معقب مته مرقوم سوبلدرلدکده لیله وقعه ده کرجه مقتول شرف ایله غوغا ایش ایسه ده اوصرده قهوه خانه نک ایچی قارمه قاریشیق اولوب منازعه ده دیگر کیسه لرده داخل اولدیغندن وهرکس بر برینه اسکمه آتمه باشلا دیغندن کندیمی اوزمیوب کیمنک اوردیغنی دخی فرق ایدمه دیکنی سوبل سیله استنطاق قنده مقتول شرفک کندوسنه شتم ایتمی واسکمه ایله اوزرینه هجوم ایلمی وباشنه ایکی دفعه اورده رق سرسام ایشدکن صکره کندوسنی اوزرق اوزره الی بلندکی بیجا غده اوزاتمسی اوزرینه کندوسی مرقومدن اول قاسنی چکدرک آرقه سندن اوروب قاجدیغنی و آلت قتل اولان قانی یلکن قبا جهتنده دکره آندیغنی طایعاً اعتراف ایلدیکی اخطار ونه دیه چکی استفسار اولندقه اصل غوغا کندوسیه اولمش ایسه ده کندوسنده ییقای بولندیغنی واستنطاق قنده دوکدرک اقرار جرم ایشدیرمش اولدقلری فقط شوضرنی اثبات ایدمه میه چکنی سوبلیدی مدعی شخصی وکیل موکل عزیز اغا نک مخدومی مقتول شرفک قهوه خانه ده اوطوردر ایکن بر فونوغراف چالدریمق مسئله سندن طولانی ظهور ایدن منازعه ده مته مک ییقای چکدرک مرقوم شرفی اورمش و مقتول مرقومه اوصرده ییقای کی برشی بولنامش ایدوکنک اخبارات متعده ایله ثابت اوله جنی کی مقتولک جریجه سی آرقه سندن اولمسنه کورده قاجق ایستدیکی حالد موفق اوله مدیغنی اکلاشیله جفتدن حق شخصیلرینک محافظه سی طلب وادعا ایلدی .

مته اوجیجه سرخوش اولدیغنی سوبلیدی .

علی هذا ضابطه عدلیه تقریری ایله معاینه راپوری اوقوتدرلیدی ۲۴ کانون نائی سنه ۳۴۱ تاریخی اولان تقریرده : دون کیجه ساعت ایکی راده لرده داریجه ده نشئت افندی قهوه خانه سنده شرفک بالمنازعه جرح و قتل ایدلمش اولدیغنی اخبار قلمسی اوزرینه

مأمورین لازمه بالاستصحاب محل وقعه کیدیله رک اجرا قلنان تحقیقانه مقتول مرقومک قهوه خانه ده جانیقه اولان فونوغرافدن طولانی حسین ایله منازعه ایشدیکی اثناء مرقوم حسینک ییقای وایا کی برشی چکدرک مرقوم شرفک اوزرینه هجوم ایله قتل جرأت ایلدیکنک اکلاشله دیغنی و قاتل مرقومک فرار ایلدیکی اشعار ۲۵ کانون نائی سنه ۳۴۱ تاریخی حاوی بولنان راپورده دخی شرفک ظهیرینک طرف ایسر کتفی حافه سفلیسنک تقریباً الی سانتیمتر و قدر آلتنده کی ایکی طرفنی قاطع آلت جارحه ایله حصوله کلتش تخمیناً اوج سانتیمتر و قدر طولنده عابدن اسفله موضوع ر عدد جرحه نافذه موجود ایدوکندن ورته ایسر وقای دخی متأثر اولدیغندن اشبو جرحدن متأثر اوقات ایلدیکی ازار قلمشدر . قرائت اولنان اوراق مندرجاته نه دیه چکی صولدرقه مته حسین اورمدن سوزنی تکرار ایلدی .

مدعی عمومیلک جایتندن معطی شهود بوصله سنک اسامیسی محرر اولوب دعوت واقعه ایبعاً ورود ایشدکری خبروریلان کسان بر درر حضور محکمه به چیقارلیدی عدالسهوال مته حسینک قرائت ایشدکن اوغلی اولان عارف چاوشدن ماعداسنک طرفینه برکونه قرابت ومناسبت وخصوصت لری اولدیغنی وطرفینی قومشو اولق مناسبتیه طایندقلری اکلاشلمغه ومرقوم عارف چاوشک دخی مته حسین برادر زاده سی اولمسی قانوناً شهادته مانع کورلماکله هر بری اصولاً بالتخلف منفرداً ومواجهه استماع اولندقلرندن بولردن داریجه ده متولد ومقیم اون طقوز یاشنده قایچی کلتش اوغلی محمد بن اسماعیل وقعه به مصادف اولان کیجه ساعت بریجق راده لرده قهوه خانه ده اوطورمقه ومقتول شرف ودها برچوق کسان ایله برابر فونوغراف دیکنمکدرلر ایکن مته حسینک چالغیجه به بورینک اغزینی کندی طرفنه چوریمسنی امرایتمسی اوزرینه مقتول شرفک ایغه قالدق کیم امر ایشدی دیو ایکی خطوه کیتدیکی صروده مته مک قاسنی چکدرک وایکی ماصه ایلری به طوغری اتلا به رق شرفک اوزرینه هجوم ایشدیکی صروده کندولرینک طیشاری به قاجدقلری واسکمه وجام طاقردیلری باشلا یوب اوصرده شرفک اورلدیغنی ایشدیکینی مضبوط افاده سی وجهله بیان ولدی السؤل مقتول شرفک النده اوصرده اسکمه کورمیدیکی وشهادتنک حاضر بولنان مته حقتده اولدیغنی علاوه اتیان ایلدی . مته بلاسب قبول ایتمیه چکی جوابنده بولندی .

(مابعدی کله جک نسخه)

یوانک حقایق توتونه دروست اولندیغنی اصولاً ثابت اوله مدیغندن برائتنه

حق افندیکنک اولامبوس وپورکی ضرب ایلدیکی اصولاً ثابت اوله مدیغندن برائتنه

لوئیزونک سرسریلیکی ثابت اوله مدیغندن برائتنه

محمد ایله حسنک عثمائی ضرب ایلدکری اکلاشله مدیغندن برائتنه

احمدک عبداللهی ضرب ایلدیکی ثابت اوله مدیغندن برائتنه

خراثنک دولاندریجلیق فعلنده مدخل واشتراتی ثابت اوله مدیغندن برائتنه

احمد قودامک پاره کیسه سی سرقت ایلدیکی ثابت اولان صوتیرینک اوج ماه حبسنه وختام مدتشده ضابطه جه کفاله ربطنه

امین بکه غل ناموس سوز سوبلیدیکی ثابت اولان مصطفی افندیکنک بکرمی درت ساعت حبسنه پاولی به ناموسه طوقور سوز سوبلیدیکی ثابت اولان روم کلیسای یازیجیسی آمانوئل افندیکنک یارم ایرا جزای نقدی اخذنه

خرسو ایله یانینک ناموسلرینه طوقور درجه ده مکتوب یازدقلری ثابت اولان لغتر ایله میخالدن اوج ایرا جزای نقدی اخذنه

محله آره سنده طبایحه آتق وقومیسر سعید افندی به دخی اجرای مأموریت حالنده تشهر سلاح ایلک فمللری ثابت اولان مانولک برسنه مدته حبسنه شوکتی ضرب ایلدیکی اقراریه ثابت اولان خندقلیده ساکن مصطفادن برلیرا التهرق مضروب اعطاسنه

امینی ضرب ایلدیکی ثابت اولان لطیفیدن ایکی لیرا التهرق مضروب اعطاسنه

طناشی ضرب ایدن پاپاس کوریمسده ساکن اپوستولدن برلیرا التهرق مضروب اعطاسنه

قره قاشک دکاشندن قوندره دولاندریغنی ثابت اولان داودک اوج آی حبسنه

ایشای مأموریت حالنده پولیس عمر افندیکی ضرب ایلدیکی ثابت اولان فنارلی اسماعیلک آلی آی حبسنه

محمد توفیق افندی به اطاله لسان وبوسف نام چو جنی ضرب ایلدیکی ثابت اولان سیف الدین افندیکنک اون کون حبسنه

مفردیج وقره بک السطاشی ضرب ایشدکری ثابت اولدیغندن بر هفته حبسلرینه

ایجه احمدوبککاش نام دیگر ایجه علینک یکدیگرینی ضرب ایشدکری ثابت اولدیغندن احمدک برهفته وایجه علینک اون بش کون حبسلرینه

استراطینک ایشاقی ضرب ایلدیکی ثابت اولدیغندن برهفته حبسنه

احمد ایله اسماعیلک مضارب ایشدکری ثابت اولدیغندن بر هفته حبسلرینه

دیباغ احمدک پولیس قومیسری فیض افندی به اجرای وظیفه حالنده حقارت وقومیسر طلعت افندی ایله عمر اغنی ضرب ایلدیکی ثابت اولدیغندن ایکی سنه حبسنه

قدری افندیکنک قیوتی سرقت ایلدیکی ثابت اولان ایشاقک برآی حبسنه

حقایق توتونه دروست اولندیغنی اکلاشیلان ایراهیمدن یوز اون غروش جزای نقدی آلتسنه

صالحک مجروحیه سیت ووردیکی ثابت اولان محمد علی افندیکنک اون کون حبسنه

اودوقسباقادینی ضرب وجرح ایلدیکی ثابت اولان یونانی قاشندن برلیرا التهرق مضروب به اعطاسنه درسعادت ، بک اوغلی واسکدار بدایت محکمه لری جزا دائره لرجه قرار ویرلمشدر .

محاکمات ابتدایه

سیواس ولایتی مرکز بدایت محکمه سی اعضا ملازمیلرندن حاجی حسین حسنی افندیکنک اخذرشوته جرائی حقتده اخبارات موجود اولدیغنی ولایت مشارالیه استیفاف محکمه سی مدعی عمومیلکندن وارد اولان اوراق تحقیقه محتویانندن اکلاشلمسنه منفی حقتده تعقیبات قانونیه اجراسی عدلیه نظارت جلیله سندن مذکور مدعی عمومیلکه تبلیغ وایا قلمشدر .

اعلانات

برنجی محکم بامانه :

با کوده مقیم ایکن الیوم قاشتکاهی مجهول بولندیغنی خبر ویریلان روسیه دولتی تبعه سندن آویه رینویانچو ولد پراشکوه علیه نه تبعه دولت علیه دن ونیجاردن طر بزنده بازارقبو محله سنده ساکن حاجی پولادزاده حاجی شاکر افندی لهنه اوله رق طر بزون تجارت محکمه سندن لاحق اولان ۸ تموز سنه ۳۱۶ تاریخی و ۳۰ نومرولی اعلام حکمنه عدم قناعتله مرقوم آویه رینویانچو ولد پراشکوه نک محکمه تجارت برنجی مجلسنده اقامه ایلدیکی استیفاف دعواسنک اکال رونقی ایچون اشبو اوجیوز بکرمی ایکی سنه سی اغستوسنک

بکرمی التیجی جمه ابرتسی کونی تمیین ایدلمش اولدیغندن مرقوم آویه رینویانچو ولد پراشکوه نک یوم مذ کورده ساعت الی راده لرده محکمه مزبورده حاضر بولنسی ویاخود مصدق سنده برکیل کوندرمی لازمکله چکی وشاید کاز ویا وکیل کوندرمن ایسه دیگر طرفک وقوعوبله جق طای اوزرینه مرقوم حقتده معامله غایبه اجرا قله جنی معلوم اولق اوزره تنظیم اولنان دعوتیه ورقه سی اصول محاکمه تجارت نظامنامه سنک بکرمیجی ماده سنک دردنجی فقره سنه توفیقاً علی الاصول محکمه نک دیواخانه سنه تعایق قلدیغنی کی اوراق حوادث واسطه سیله دخی اعلان اولنور .

نجات بحره محکم سنده :

بک اوغلنده فیروز افاده ساکن ایکن تجارت بحره محکمه سندن افلاسنه حکم اولنش اولان ماتیفاطوره تجارتدن احمد زاده عبداللطیف افندیکنک خصوصات افلاسیه سنک رؤیت وتسویه سی ضمننده دعوی وکیللرندن سلیم حسنی واغوب بحری افندیلرله عثمان طلعت بک اصالة سنک تمیین قلمش اولدقلرندن مفلس مرقوم ذمتنده آله جفی اولنلرک قانوننامه تجارت ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً بکرمی برکون ظرفنده سنداتی محکمه کاتبه تسلیم ایللری ومدت مذ کوره ختامندن صکره اوج کونده یعنی کله جک ماه اغستوسک اون دردنجی بازار ابرتسی ، اون یشنجی صالی واون التیجی چهارشنبه کونلری تجارت بحره محکمه سنک مصالح افلاسیه رؤیتنه مخصوص اوطه سنه کله رک سنک افندیلر مواجهه سنده آله جققرنی اثبات وقید وتصدیق ایشدیرملری ومدت مذ کورده اثبات وجود ایدمه میان آله جققرلر حقتده قانون مذ کورک ۲۱۰ نجی ماده سنه توفیقاً ایشای معامله اوله جفی اعلان اولنور .

حطب قبوسنده کراسته جیلرده ساکن ایکن تجارت بحره محکمه سندن افلاسنه حکم اولنش اولان کراسته تجارتدن لازاراک مانولیدیس ذمتنده اله جفی اثبات ویا موقه قبول وقید ایشدیرمش اولان اله جققرلرک قانوننامه تجارت ۲۱۱ نجی و آتی ولی ایدن ماده سی موجبجه مفلس طرفسندن تکلیف اولنله جق قوقورداتونک مذاکره سی ایچون [۲۹ تموز سنه ۳۲۲] تاریخنه مصادف جمه ابرتسی کونی محکمه مذ کورده نک مصالح افلاسیه رؤیتنه مخصوص اوطه سنه کللری اعلان اولنور .

کامیک تجارت محکمه سنه :

کامیک قصبه سنک یکی محله سندن و تجارتدن متوفی اسپرو لوقه ایله شریکی واوغلی اولوب وادی فرارده بولنان ایره میانک ۲۶ حزیران سنه ۳۲۲ تاریخده افلاسلیینه قرار ویریلرک معاملات افلاسلیه لینی تسویه ایتمک اوزره اولجه محکمه تجارت قراریه موقت سندیک تعیین ایدلمش اولان دعوی وکیلی یوانی قاپا کیدیس و بورغاکی قپانیدیس افندیلر بوکره اجتماع ایدن داینلرک تنسییلری و محکمه تجارتک قرارای ایله دائمی سندیک نصب اولنمش بولندقلرندن تاریخ اعلاندن اعتباراً یکریمی کون ظرفنده مفسلسان مرقومانک ماسه سندن اله جنی اولانلرک اولبابده کی اله جقلری مبین دفاتر و سندات و اوراقنک سندیکلره تسلیمی ایله اشبو یکریمی کون منقضیه اولدقدن صکره اوج کون ظرفنده دخی تحقیق دیون معاملاتنه ابتدار اولنه جغندن داینلرک ایام مذکورده سندیک افندیلرک اجتماع ایتدکلی کملیکده بالقپازاری محله سنده آدلفاطوده حاضر بولنلری اعلان اولنور .

محکمه تجارت اجراء واره سنه :

محمد علی افندیکنک فضیلتلو احسان اه افندی ذمتنده محکمه تجارت اعلامیه محکوم به اولان الاجفنگک تسویه سیچون فاتح جوارنده حاجی فرهاد محله سنده حیدر جاده سنده عبدالرحیم افندی و ققندن صرف ملک ایله مخلوط معلوم الحدود ایکیوز التمش ذراع عتیق محلدن عبارت اولوب دروننده یوز یکریمی غروش ایجار کتورر اوج باب اوطه و بر مطبخ و مشتملات سائرینی حاوی التمش بر نومرو ایله سرقم عقارک وقف محلنده ثلثان عن ربع یعنی اون ایکی حصه اعتباریه اونبر حصه ده افندی مومی الیهک متصرف اولدینی نصف حصه و صرف ملک محلنده یکریمی بش حصه اعتباریه اون حصه نک تکرار اون الی حصه ترتیبیه ینه مدیون مومی الیهک متصرف اولدینی یدی حصه بوندن اقدم موقع مزایده قونیه رقی عثمانلی لیراسی یوز غروش حسابیه اوج بیک غروشده طالی عهده سنده قلمش و کرچه مبلغ محکوم اولان اون بش لیرادن سکز بچق لیراسی تأدیه اولنمش ایسه ده قصور نا تحصیل قالان الی بچق لیرانک بر موجب اعلام فائض و مصارف محاکمه سیله برابر تسویه سیچون مذکور حصه نک فروختی بوکره تکرار قرار آلتنه التمش اولدیفندن اشبو تموز رومینک یکریمی التیسندن اعتباراً اوتوز برکونه یعنی کله جک اغستوس رومینک یکریمی التنجی جمعه ایرتسی کونی ساعت اونه قدرده مزایده بدل ایله اشترايه

طالب اولانلرک و بوندن زیاده معلومات المق استیانلرک بدل مزایده نک عشرینه مساوی پی اچیه سیله برابر محکمه تجارت اجرا دائره سنه مراجعت ایللری دائره مذکورده دن تکرار اعلان اولنور .

نازلی خاتونک کتابچی اراکل افندی ذمتنده بااعلام محکوم به اولان الاجفنگک تسویه سیچون باب عالی جاده سنده قرق سکز نومرو ایله مرقم اولوب مدیون مرقومک عهده استیجارنده بولنان مطبعه دروننده محجوز التیوز عدد تعلیم قرائت و بیک عدد طرز جدید الفبای عثمانی اشبو اغستوس رومینک ایکنجی چهارشنبه کونی ساعت اوچدن بشه قدر مذکور مطبعه ده مأموری مواجهه سنده بالمزایده صاتیله جغندن اشتراسنه طالب بولنانلرک ودها زیاده معلومات آلق استیانلرک یوم و وقت مزبورده مذکور مطبعه ده حاضر بولنلری محکمه تجارت اجرا دائره سندن اعلان اولنور .

آپوستوله اولان دینندن طولانی انکلتره دولتی تبعه سندن موسیو طوماس پرینک محجوز بولنان بر عدد یازی ماکنه سنک فروختی قرار آلتنه التمش اولمغله بر موجب قرار مذکور ماکنه کله جک اغستوس رومینک برنجی صالی کونی ساعت اوچدن درده قدر غلطه ده خلیل پاشاخانی اوکنده مأموری مواجهه سنده بالمزایده فروخت اولنه جغندن اشتراسنه طالب اولانلرک ودها زیاده معلومات المق استیانلرک یوم و وقت مزبورده محل مذکورده حاضر بولنلری محکمه تجارت اجرا دائره سندن اعلان اولنور .

بک اوغلی بیایت محکمه سی اجراء واره سنه :

بشکطاشده کوی ایچنده قرق اوج نومرولی خانه ده و غلطه ده از میرلی اوغلی خاننده الی نومرولی یازیخانه ده مقیم تبعه دولت علیه دن تشوخی ولد نیقوله و غلهرینک طوپخانه ده سهیل بک محله سنده طلومبه ارالنی زقاغنده بش نومرولی و محل مذکورده طوپچیلر جاده سنده درتیوز یتش سکز نومرولی قایقخانه نی مشتمل بر قطعه ساحلخانه عرصه سیله درونلرینه جاری نصف ماصورا ماء لذیذ و کذاطوپخانه ده سهیل بک محله سنده طوپچیلر جاده سنده درتیوز یتش سکز نومرولی صرف ملک بر عدد بقال کدکنک یوز یکریمی سهم اعتباریه قرق سهمی کندوسنک تصرف و اشغالنده بولندینی حالد بعض اسبابه مبنی مواضعه طریقیه بشکطاشده کوی ایچنده ساکن ایکن چندسنه اول هوجه بک شهرینه عزیمتله اوراده

وفات ایدن روسیه دولتی تبعه سندن یورکی تشوخی یدی نامنه قید ایتدیرلمش اولوب مرقومک ترک ایلدیکی ورثه سی آتنده غران بریتانیا اولنک قارشوسنده کی اولنده اقامت ایتکده لرایکن بالاخره اورادن مفارقتله اقامتگاهلری مجهول بولنان کذا روسیه دولتی تبعه سندن موسیو آندریا تشوخی ایله دانایی وماریه و طالیه قادینلر مذکور املاک ایله مای لذیذک کندو نامنه قید ایتدیرلمسینه موافقت کوسترمدکلرندن ناشی بک اوغلی بیایت محکمه سی برنجی حقوق دائره سنده مرقومون علیه لینه اقامه ایلدیکی دعوی نتیجه سنده ارانه اولسان ۲ تشرین اول سنه ۱۳۱۷ تاریخلی مواضعه نامه ایله ۲۳ کانون ثانی سنه ۳۱۷ تاریخلی قید صورتی مال و مندرجاتندن املاک مبحوثه نک حقیقته مدعی مرقوم تشوخی ولد نیقوله نک ملک وحق صرفی اوله رقی مورث متوفای مزبور عهده سنده مواضعه مقید بولندینی اکلاشلمش اولدیفندن املاک مذکورده دن قایقخانه نی مشتمل ساحلخانه عرصه سنک تمامیه بقال کدکندن بر اعتبار مزبور قرق سهمک مرقوم تشوخی عهده سنه فراغک اعاده و اجراسنه مدعی علیهم ورثه مرقومنه نک مجبوریتلرینه و خرج اعلام و مصارف محاکمه و سائر اولان بشیک یدی یوز الی بر بچق غروشک مدعی علیهم عائد اولسنه حکم و برلیدیکی متضمن ورثه مرقومنه نک اقامتگاهی مجهول اولمقدنشاشی غزته لرله بالااعلان معامله تبلیغیه سی ایفا ایدیلرک مدت قانونیه سی مرور ایدن ۱۹ مایس سنه ۳۱۹ تاریخلی و طقسان ایکی نومرولی اعلام غیابی تنفید و اجرای احکامی ضمتنده محکوم له تشوخی طرفندن بوکره موقع اجرایه وضع اولنه رقی محکوم علیهم ورثه مرقومه یه ایجاب ایدن اخبارنامه نک اعلان صورتیه تبلیغی طلب ایدلسنه بناء اجرا قانونک یکریمی طقوزنجی ماده سی حکمنه توفیقاً تاریخ اعلاندن اعتباراً اوج آتی ظرفنده اثبات وجود ایدرک بر موجب اعلام سالف الیان املاکی محکوم له نامنه اعاده فراغ و مصارف محاکمه مذکورده نی ایفا و تسویه ایتلری ایچون ورثه مرقومه ناملرینه تنظیم قلمنان اخبارنامه محکمه دیوانخانه نه سنه تعلیق قلندینی کبی بواج آیک انقضاسنده اثبات وجود ایتلر لیراسه حکم اعلامی بالرضا اجرادن امتناع ایتش عد اولنه رقی معامله لازمه قانونیه ایفا و حکم اعلامک اجرا ایدیلرکی و تبلیغ کیفیتی معلوم اولق اوزره اعلان اولنور .